

佛光大藏經

禪藏語錄部

宏智禪師廣錄



佛光山宗務委員會印行

佛光大藏經

禪藏

· 語錄部

宏智禪師廣錄

佛光山宗務委員會印行

宏智禪師廣錄

PDG

佛光大藏經

禪藏・語錄部 宏智禪師廣錄

□監 修□星雲大師

□主 編□佛光大藏經編修委員會

□一九九四年十二月初版

有版權・請勿翻印

□發行者□佛光山宗務委員會

□發行人□佛光出版社慈惠（張優理）

□出版者□佛光出版社

高雄縣大樹鄉佛光山 ㊧（〇七）六五六四〇三八〇九

□流通處□佛光山寺

高雄縣大樹鄉佛光山 ㊧（〇七）六五六一九二一〇八

佛光書局

高雄市前金區賢中街二七號 ㊧（〇七）二七二八六四九

臺北市忠孝西路一段七二號九樓之十四 ㊧（〇二）三一四四六五九

臺北市汀州路三段一八八號二樓 ㊧（〇二）三六五一八二六

□排版者□法德電腦排版有限公司

□印刷者□沈氏藝術印刷股份有限公司

□法律顧問□蘇盈貴律師

□郵政劃撥第〇〇四五六三五一五號

□行政院新聞局出版事業登記證局版台業字第一五二四號

□如有缺頁或裝訂錯誤，請寄回本社更換

《佛光大藏經》編修緣起

夫佛法者，自內容教義觀之，固有其根本上不變之價值；然若於研究信解論之，則應有契合時代之方法與權巧，方能古今融會貫通也。

基於此一原因，吾人期盼此願望之實現，故於民國五十六年（一九六七年）佛光山開山以來，即未嘗一日稍怠，朝此目標邁進。其中《佛光大藏經》之編印付梓，乃在此機緣下誕生於世矣。

我如來一代時教，自漢時東來中土，歷朝大德，譯著典籍，代有所出。宋元明清各版藏經之蒐集編印，既保存聖言經教，亦提供為學者研究與發揚之據也。然各版所刊，未將三藏分段標點，致令今人望經興嘆，既感佛典深奧，非初學之所能解，且編排古板，雖信學有心，奈苦鑽而莫能入。佛光山諸有志者，有鑒於此，乃於民國六十六年（一九七七年）成立「佛光大藏經編修委員會」，以星雲主其事，集學者數十人，經年累月，採各版藏經，冀望作文字之校

勘、全經之考訂，以及經文之分段、逐句之標點，甚而名相之釋義、經題之解說，並有經後之索引、諸家之專文，吾人本懷，乃期編纂一部現代人人能讀，讀而易解，解而能信，信而易行之佛教聖典，唯其如此，方能助長佛法之延續與流傳也。

《佛光大藏經》之編纂新修，擬分以下類別：

- | | | | |
|----------|----------|----------|----------|
| (1) 阿含藏 | (2) 般若藏 | (3) 禪藏 | (4) 淨土藏 |
| (5) 法華藏 | (6) 華嚴藏 | (7) 唯識藏 | (8) 秘密藏 |
| (9) 小乘藏 | (10) 律藏 | (11) 本緣藏 | (12) 史傳藏 |
| (13) 圖像藏 | (14) 儀誌藏 | (15) 文藝藏 | (16) 雜藏 |

自清代集《龍藏》三百餘年來，今有此修藏之舉，星雲等不自量力，為我中華文化，續佛慧命，點無盡之燈，開般若之華，讓佛光普照寰宇，使法水長流九州。今以愚誠，祈各方大德襄之、教之！不勝馨香企盼之至！

佛曆二五二七年（一九八三年）八月 星雲序於佛光山

凡 例

一．本會重新編整之《宏智禪師廣錄》係以《卍續藏經》爲底本，再對勘《大正藏》、異同並比，互補遺闕，並參考其他典籍嚴加校勘。

二．本書所據以底本之《卍續藏經》，其文中若干字體係屬古刻板字、或正俗字，爲配合現代電腦排版印刷字體，在不害字義之原則下，直接將此等古字或正俗字改爲現代通行字，而不加校勘說明。

三．本書中有文字訛誤而無他版藏經可對校者，若經確定純屬傳寫上魯魚亥豕之訛誤，則採保留原字，並依前後文意或其他燈錄作「當作某字」之注釋；其較缺乏明顯可據之理由者，亦保留原字，並作「疑當作某字」之注釋。

四．本書之整編，採取新式標點與分段，將全書之文義標示清晰。文中所用之符號計有：「、，；。：！？」「『』《》」等十種。

五．校勘記中所提及之「卍續本」係指《卍續藏經》，「大正本」指日本《大正新

脩大藏經》。

六．本書之校勘、注解以卷爲單位。文中校勘號碼列於所校注名詞或字之下。同一校勘字，若於同一卷出現多次者，僅在初次出現時作校勘記，並於其注解之上冠一「*」記號，其餘各字不再累篇贅注，僅於該字右上角標上「*」，表示同前。

七．本書之「偈頌」，在版面編排上有兩種方式：

(一)獨立之偈頌，在版面上另起行，並低三格。

(二)話中之偈頌，在版面上則不另起行分段。

八．爲保持版面之美觀及整體性，將《廣錄》中原有之夾注，以注解方式處理。

九．本書採雙頁注，凡有校勘、注解，在當面就可以找到。

宏智禪師廣錄題解

本書又稱《天童正覺禪師廣錄》、《普照覺和尚語錄》、《宏智禪師語錄》，略稱《宏智廣錄》、《宏智錄》。係宋正覺禪師（1091～1157）一代之語錄，門人宗法、集成、宗榮等編集。南宋孝宗乾道二年（1166）刊行。今收錄於《卍續藏》第一二四冊、《大正藏》第四十八冊。

本書凡九卷。內容依序爲卷首：紹興二年（1132）退晦居士范宗尹序；卷一：泗州大聖普照禪寺上堂語錄、舒州太平興國禪院語錄、江州廬山圓通崇勝禪院語錄、江州能仁禪寺語錄、真州長蘆崇福禪院語錄；卷二：建炎三年（1129）嗣宗之長蘆覺和尚頌古拈古集序、泗州普照覺和尚頌古一百則；卷三：真州長蘆覺和尚拈古、紹興四年（1134）薊林居士向子諲之後序；卷四：明州天童山覺和尚上堂語錄；卷五：紹興七年（1137）馮溫舒之小參語錄序、明州天童山覺和尚小參；卷六：明州天童覺和尚法語；卷七：明州天童山覺和尚真贊、下火；卷八：明州天童山覺和尚偈頌、箴、銘

、僧堂記；卷九：紹興二十七年（1157）宏智禪師之自序、明州天童覺和尚真贊、智宣之募緣刊說、乾道二年（1166）王伯庠之勅謚宏智禪師行業記。又卷末依武林苕溪鳳山淨啓重編《宏智禪師語錄》四卷本，附錄徐繼恩之語錄序、大用庵銘、行實並塔銘。

本書卷二之頌古百則，世稱《宏智頌古》，爲宋代六大頌古之一。萬松行秀禪師據此頌古再加示衆、著語、評唱，著成《從容錄》六卷，與《碧巖錄》並稱禪門二大寶典。卷五之小參，又稱《天童小參錄》、《宏智古佛小參錄》，有別行本傳世。卷八則處處可見默照禪之要旨。

按傳：正覺禪師，係曹洞宗宏智派之祖。世稱天童和尚、隰州古佛。山西隰州人，俗姓李。爲丹霞子淳禪師之法嗣。歷住長蘆寺、舒州太平寺、江州圓通、能仁寺、靈隱寺及天童寺。師住天童，前後垂三十年，整備伽藍，嚴飭清規，門下衲僧多達千餘人，譽爲天童中興。時值北宋末年之亂世，宗風不振，流弊百端，師乃特爲舉揚正傳之禪宗宗風，並提倡「坐禪」、「默照」之禪風，世稱默照禪、宏智禪。與當時臨濟宗大慧宗杲之「看話禪」相對，二人並稱二大甘露門。南宋高宗紹興二十七年示寂。

，世壽六十七，法臘五十六。宋高宗勅謚「宏智禪師」，塔名妙光。另遺有語錄四卷、語要一卷。門下高足有聞庵嗣宗、自得慧暉、石窗法恭、光孝思徹、石門法真等多人。法孫東門慧日、東陵永璵曾先後傳法至日本。

目 錄

一・星雲大師序		一
二・凡例		一
三・宏智禪師廣錄題解		一
四・宏智禪師廣錄序		一
五・宏智禪師廣錄（九卷）		三
宋宗法 集成等編輯		三
卷一		
上堂		三

卷二

頌古

.....

七五

卷三

拈古

.....

一二七

卷四

上堂

.....

一七一

卷五

小參

.....

二七九

卷六

法語

.....

三五九

卷七

真贊 三七九

卷八

偈頌箴銘記 四一一

卷九

真贊 五〇一

行業記 六〇七

天童覺和尚語錄序

余頑愚拙疏，無所可用，獨於世味淡薄，人我相輕，若可學佛者，以故自幼喜從僧遊，間遇本色道人，雖未言而意已親，殆若磁石鐵之冥契，有不可致詰者，否則雖日相從，邈如也。

今天童長老覺公，則所謂未言而意已親者，始余被罪南遷，泊舟廬山之下，與師一再邂逅耳。而相與之意，便如故人。去歲罷相東來，師過余於四明，余復訪之於山中，語累日益歡。嘗謂師曰：「學佛者，期於了生死，誠可謂一大事矣！士大夫間，乃有酣飫聲色，馳騁勢利，而口舌瀾翻，說佛說祖，自以爲有得；甚者，至以爲譚笑之資，此何理也？余之有意於此事，而不敢自欺。他時真實處辦得少許，方敢拈出，求師別識也。」師深肯此言，且教余以辦道之方，余信受焉。會師之徒以師語錄序爲請，余既不敢自欺，其敢措辭乎？姑記與師相從大略，以塞其請云。

紹興壬子望日退晦居士范宗尹序

宏智禪師廣錄卷第一

泗州大聖普照禪寺上堂語錄

侍者 集成 編

師在長蘆受請，拈疏示衆云：「言語道斷，文字性空。到這裡可謂鯨吞海水盡，露出珊瑚枝，諸人還會麼？其或未然，更煩知音底人爲我說破。」

宣疏罷，師於長蘆和尚手中接得法衣，捧起呈示云：「西竺頭陀長年相待，東山行者半夜傳通，恰至大庾嶺頭，盡力提持不起。而今長蘆堂上，兩手分付將來，諸人還會箇中消息麼？一氣連枝同盛事，光風無影樹頭春。」遂指法座云：「朕兆未興，會要借功明位；影響纔露，還須借位明功。諸人還相委悉麼？跨足已超凡聖表，通身不滯有無功。」便就座。

僧問：「數行公命，猶煩彩鳳銜來；一片閑心，忽被清風引動。祇如祖意高提，如何剖露？」

師云：「風行草偃，水到渠成。」

進云：「洪音一震驚天地，四海禪人盡得聞。」

師云：「謝子證明。」

進云：「此猶是應時及節因緣，祇如寂然不動，智已周於十方，廓爾無私，道已行於樂國，又作麼生？」

師云：「知音不在頻頻舉。」

僧問：「三際泯跡而真假頓空，悲智纔興而法輪便轉。祇如敲唱門中，如何得不落今時去？」

師云：「不答你這話。」

進云：「恁麼則玉馬雪行歸半夜，混然渾不露纖機。」

師云：「更須知有轉身一路始得。」

進云：「金雞啼處三更月，玉鳳棲時午夜雲。」

師云：「直須恁麼。」師乃云：「名不得，象不得，從來清淨，不受染污，本自圓成，不勞修證。銷融萬有，堂堂穩馭真乘；和合眾緣，處處顯揚茲事。諸仁者！今日山河大地、草木叢林與覺上座同時成道，一音說法，還相證明麼？」良久，云：「